




Área / Unidad GESTION DE DEPORTES DJ1000 EBS.	Documento 21115I023L	
Código de verificación  710Z 434E 3N2B 4O02 103M	Expediente 211/2021/474	
	Fecha 11-05-2021	

Logo de ver o informe proposta que antecede e en virtude das competencias que me atribúe a lexislación vixente, resolvín

DECRETO

O Concello da Coruña, conforme ao disposto no artigo 25.2.I) da Lei reguladora das bases de réxime local vixente (LRBRL) así como o art. 8 da Lei 3/2012, do 2 de abril, do Deporte de Galicia, ten entre outras competencias a da promoción e fomento da práctica do deporte, contribuíndo á mellora da condición física en xeral, e á integración social a través do deporte.

En particular correspóndelle ao Concello, para os efectos que aquí interesan, a promoción do Deporte en idade escolar.

Coa organización de campamentos deportivos municipais conséguese promover o deporte entre a poboación infantil e por outro lado, axudar á conciliación da vida persoal e familiar, tan necesaria sobre todo no momento de pandemia no que nos encontramos.

Os campamentos deportivos municipais vanse organizar dende o 28 de xuño ata o 3 de setembro de 2021, distribuídos en 5 quendas, de luns a venres.

Ofertarase un total de 720 prazas. 144 prazas cada quenda.

A regulación dos campamentos así como da convocatoria, debe estar recollida nunhas Bases.

A aprobación das ditas base correspóndelle á concelleira delegada de Deportes, en virtude do decreto de delegación de competencias da alcaldesa 3846/2019 do día 26.06.2019 (BOP núm. 124 do 03.07.2019).

Por todo o exposto, RESOLVO:



Único. Aprobar as bases da convocatoria de campamentos deportivos municipais para o verán de 2021 (do 28 de xuño ao 3 de setembro de 2021) as cales se achegan como Anexo a este Decreto formando parte del.

A Coruña, na data da sinatura electrónica

Alcaldesa, p.d.

A concelleira delegada de Deportes
(Decreto 3846/2019 do día 26.06.2019,
BOP núm. 124 do 03.07.2019).



ANEXO

**CAMPAMENTOS DEPORTIVOS MUNICIPAIS DE
VERÁN 2021**



DATAS DE INTERESE

PREINSCRICIÓN	24,25 E 26 DE MAIO
PUBLICACIÓN LISTAXES	31 DE MAIO
ALEGACIÓNS	1,2 E 3 DE XUÑO (ATA AS 14:00 HORAS)
SORTEO	4 DE XUÑO ÁS 12:00 HORAS
LISTAXES DE ADMITIDOS E DE AGARDA	10 DE XUÑO
FORMALIZACIÓN DE MATRÍCULAS OU RENUNCIAS	11 AO 15 DE XUÑO
PAGO	CUNHA ANTELACIÓN MÍNIMA DE 1 SEMANA AO INICIO DO CAMPAMENTO
CHAMADA LISTAXES DE AGARDA	DO 16 AO 21 DE XUÑO
COMEZO DOS CAMPAMENTOS	28 DE XUÑO

ACTIVIDADES:

MULTIDEPORTE

NATUREZA

MAR

XOGOS

CREATIVIDADE



BASES REGULADORAS DA CONVOCATORIA DE PRAZAS DOS CAMPAMENTOS DEPORTIVOS MUNICIPAIS ORGANIZADOS POLA CONCELLARIA DE DEPORTES NO VERÁN 2021

1. OBXECTO

É obxecto destas bases a regulación da convocatoria das prazas ofertadas dentro dos campamentos deportivos de verán organizados pola Concellaría de Deportes durante o verán do ano 2021, así como o establecemento das normas para o correcto desenvolvemento dos campamentos.

Os obxectivos dos campamentos son:

- Promover o deporte na idade infantil e escolar, como así establece a Lei do Deporte de Galicia e a Lei 7/1985, do 2 de abril, no seu artigo 25.2, sendo esta unha competencia propia dos municipios. Nos campamentos realizaranse diferentes disciplinas deportivas para que os menores poidan coñecer e valorar cal se axusta máis aos seus gustos e condicións físicas.
- Axudar á conciliación da vida persoal e laboral das familias coruñesas durante as vacacións de verán dos menores.
- Fomentar a convivencia entre os nenos e as nenas en ámbitos distintos aos habituais da súa contorna, permitindo que coñezan outros nenos/as e vivir experiencias durante a época de verán. Non so se realizarán actividades deportivas, senón tamén de ocio, natureza e tempo libre.

2. PERSOAS DESTINATARIAS

Poderán solicitar a súa participación nos campamentos deportivos municipais de verán os nenos e as nenas con idades comprendidas **entre os 6 e os 13 anos, coa idade cumprida a 31 de decembro de 2021.**

Terán preferencia para a obtención dunha praza:

En primeiro lugar, os menores empadroados/as na cidade da Coruña cuxos pais, nais e titores teñan que traballar durante a quincena na que solicitan os campamentos.

En segundo lugar, aqueles menores non empadroados/as na cidade da Coruña pero que o seu pai, nai, titor, titora traballen na cidade da Coruña durante a quincena na que solicitan os campamentos.

En último lugar, o resto de nenos e nenas que estean interesados en acudir a estes campamentos sempre e cando queden prazas dispoñibles.



O Servizo Municipal de Deportes realizará de oficio a comprobación no padrón municipal do requisito de empadramento do menor. No caso de que se produza un engano na declaración responsable que se debe presentar asinada para realizar a inscrición, o menor perderá o dereito a obter unha praza nos campamentos deportivos municipais.

3. LUGAR DE REALIZACIÓN DOS CAMPAMENTOS

Os campamentos terán como sede tres instalacións deportivas municipais:

Campamento Riazor: Palacio dos Deportes de Riazor, combinado co Campo de fútbol e areal de San Pedro de Visma.

Campamento de Novo Mesoiro: Polideportivo de Novo Mesoiro, combinado co Campo de fútbol Johan Cruyff.

Campamento de San Francisco Javier: Polideportivo de San Francisco Xabier, combinado co Campo de fútbol Víctor Fernández Alonso.

A pesar de que os campamentos terán esa sede, que se utilizará como punto de recollida dos nenos e das nenas, intentarase realizar actividades ao aire libre, para o cal se poderán desprazar a outras instalacións deportivas.

Ademais, poderanse programar excursións a museos científicos da cidade, parques e praias.

Contarase con autobuses para realizar as saídas. Tamén se poderán realizar andainas.

4. DURACIÓN DOS CAMPAMENTOS: DISTRIBUCIÓN POR QUENDAS

Os campamentos deportivos municipais terán unha duración do 28 de xuño ao 3 de setembro de 2021, **de luns a venres**, sempre e cando non coincida algún festivo entre semana. Non se realizarán campamentos os fins de semana nin os festivos.

As quincenas que se poderán elixir son:

Do 28 de xuño ao 11 de xullo

Do 12 de xullo ao 25 de xullo

Do 26 de xullo ao 8 de agosto

Do 9 de agosto ao 22 de agosto

Do 23 de agosto ao 3 de setembro



5. NÚMERO DE PRAZAS OFERTADAS

Ofertarase un total de 720 prazas, distribuídas en 144 prazas por quenda.

O número de prazas coas que contará cada quenda será:

1. Campamento de Riazor: 72 prazas.
2. Campamento de Novo Mesoiro: 45 prazas
3. Campamento de San Francisco Xabier: 27 prazas

Poderase variar o número de prazas ofertadas entre as diferentes sedes en función das solicitudes de preinscrición recibidas no Servizo Municipal de Deportes.

6. HORARIOS

As actividades dos campamentos realizaranse de luns a venres en horario de 09:00 horas ás 14:00 horas.

Poderase solicitar o horario ampliado, coa posibilidade de entrega dos menores ás 08:30 e recollida ás 14:30 horas (unha ou ambas opcións). O horario ampliado non supón un maior custo para as familias.

7. PREZO

O prezo dos campamentos deportivos municipais é de 25 euros, IVE incluído, por cada quenda e menor.

A solicitude do horario ampliado non supón un maior custo para as familias.

O pago realizaráselle directamente á empresa prestadora do servizo, mediante transferencia bancaria ou por outros medios que se lle poidan facilitar ás familias.

Publicarase na páxina web municipal o número de conta onde se debe facer o ingreso.

O pago dos campamentos débese realizar polo menos con unha semana de antelación antes de comezar cada quenda. Se transcorrido ese prazo, a empresa non recibiu o pago, poderá chamar da listaxe de agarda e o/a menor perderá a praza que lle foi adxudicada.



8. PREINSCRICIÓN

As persoas interesadas en obter unha praza nos campamentos deportivos municipais de verán poderán cubrir o formulario de preinscrición que se colgará na páxina web municipal www.coruna.gal.

Poderase solicitar un máximo de 3 quendas, entendidas estas como o conxunto da sede e dos días nos que se quere obter praza. A solicitude farase consignando no formulario o código que aparece no seguinte cadro:

QUENDA	PERIODO	SEDE	CÓDIGO
QUENDA 1	DO 28 DE XUÑO AO 11 DE XULLO	RIAZOR	RI001
QUENDA 1	DO 28 DE XUÑO AO 11 DE XULLO	NOVO MESOIRO	NM001
QUENDA 1	DO 28 DE XUÑO AO 11 DE XULLO	SAN FRANCISCO JAVIER	FJ001
QUENDA 2	DO 12 DE XULLO AO 25 DE XULLO	RIAZOR	RI002
QUENDA 2	DO 12 DE XULLO AO 25 DE XULLO	NOVO MESOIRO	NM002
QUENDA 2	DO 12 DE XULLO AO 25 DE XULLO	SAN FRANCISCO JAVIER	FJ002
QUENDA 3	DO 26 DE XULLO AO 8 DE AGOSTO	RIAZOR	RI003
QUENDA 3	DO 26 DE XULLO AO 8 DE AGOSTO	NOVO MESOIRO	NM003
QUENDA 3	DO 26 DE XULLO AO 8 DE AGOSTO	SAN FRANCISCO JAVIER	FJ003
QUENDA 4	DO 9 DE AGOSTO AO 22 DE AGOSTO	RIAZOR	RI004
QUENDA 4	DO 9 DE AGOSTO AO 22 DE AGOSTO	NOVO MESOIRO	NM004



QUENDA 4	DO 9 DE AGOSTO AO 22 DE AGOSTO	SAN FRANCISCO JAVIER	FJ004
QUENDA 5	DO 23 DE AGOSTO AO 3 DE SETEMBRO	RIAZOR	RI005
QUENDA 5	DO 23 DE AGOSTO AO 3 DE SETEMBRO	NOVO MESOIRO	NM005
QUENDA 5	DO 23 DE AGOSTO AO 3 DE SETEMBRO	SAN FRANCISCO JAVIER	FJ005

A solicitude farase por orde de preferencia. Non se deberá solicitar unha quenda que non se desexe obter.

As quedas solicitadas deberán coincidir co período de traballo do pai, nai, titor ou titora, debido a que os campamentos ofértanse para facilitar a conciliación da vida laboral e familiar.

O Servizo Municipal de Deportes poderá requirirlle aos pais, nais, titores/as documentación acreditativa de que efectivamente teñen que traballar durante a quincena na que solicita o campamento.

Intentarase asignar polo menos unha quenda a cada unha das persoas solicitantes.

Poderanse realizar as solicitudes de preinscrición os días 24, 25 e 26 de maio de 2021, dentro do horario que se publique na páxina web municipal.

Deberá presentar a solicitude un dos pais, nais, titores ou titoras do menor, ao seu nome e co seu NIF.

Na solicitude indicará o nome do menor para o que desexa solicitar praza no campamento, con indicación da sede ou sedes e da quenda ou quendas nas que precisa o campamento.

Solicitudes para varios/as irmáns ou irmás:

No caso de que queira solicitar praza para varios fillos e/ou fillas, **e sempre e cando se desexe ter garantida praza para todos/as na mesma sede e quenda**, deberase facerse o seguinte:



- a. **Realizar unha inscrición por cada menor pertencente a unha mesma familia**, na páxina web e de forma continuada no tempo. No caso de que non se cubran os formularios de forma continuada no tempo, non se lle garantirá praza a todos os fillos ou fillas. Para iso comprobarase a marca temporal que deixa rexistrada o formulario.

Nota: Enténdese que non se incumpre este requisito no caso de que se metera algunha solicitude polo medio como consecuencia de realizar a inscrición online.

- b. **Realizar todas as inscricións relativas aos menores dunha mesma familia** (irmáns e irmás) **cun mesmo NIF, NIE ou número de Pasaporte** correspondente ao pai, nai, titor ou titora. No caso de que se detecte duplicidade de inscricións con distintos datos para un ou varios menores dunha mesma familia, poderase perder o dereito a obter unha praza nun campamento deportivo municipal.

9. PUBLICACION DA LISTAXE DE SOLICITANTES

Publicarase a listaxe da preinscrición telemática o día **31 de maio de 2021**. Poderanse consultar na páxina web de Deportes do Concello da Coruña.

Na publicación asignaráselle un número a cada solicitude que será correlativo en función da hora, minuto e segundo na que se presentou a solicitude. O número estará vinculado co NIF, NIE ou número do país, nai ou titor que realizou a inscrición e deberase gardar ese número para todo o proceso.

Nunca se publicarán os datos do menor, polo que sempre se atenderá a ese dato en todo o proceso.

Para consulta telefónica habilitanse os teléfonos 981 18 42 00, ext. 25001 e 981 18 98 00 así como o teléfono de información gratuíta 010.

10. PRESENTACIÓN DE ALEGACIÓNS SOBRE A LISTAXE DE SOLICITANTES

No caso de que se observe algún erro na listaxe de solicitantes, poderase alegar enviando un correo electrónica á seguinte dirección deportes@coruna.es.

O correo electrónico sempre debe enviálo o mesmo pai, nai, titor ou titora que a preinscrición e será obrigatorio deixar un teléfono de contacto.

Realizaranse alegacións durante os días 1, 2 e 3 de xuño de 2021. O prazo péchase o día 3 de xuño ás 14:00 horas.



11. SORTEO PÚBLICO

Nos supostos en que logo de aplicar o criterio de preferencia do empadramento (en primeiro lugar) e do lugar de traballo en Coruña (en segundo lugar), se aínda así existisen mais solicitudes que prazas vacantes, celebrarase un sorteo público conforme ao seguinte procedemento:

1. O sorteo realizarase o día 4 de xuño ás 12:00 horas no Palacio dos Deportes de Riazor.

2. Orde das solicitudes:

Asignaráselle un número a todas as solicitudes presentadas por orde cronolóxica de chegada en orde ascendente, atendendo á marca temporal.

No caso de que dúas solicitudes coincidan na mesma marca temporal ordenaranse alfabeticamente. Para ese orde non se terán en conta as preposicións nin artigos dos apelidos.

3. Sorteo:

Para establecer unha orde de adxudicación das prazas sacarase un número empregando a páxina web www.echaloasuerte.com, ou a través do procedemento de insaculación. Obterase un número para as unidades, decenas, centenas, unidades de millar, decenas de millar e demais díxitos que sexan necesarios atar obter un número con igual número de cifras que o total de solicitudes.

O sorteo será gravado en vídeo e subido á web municipal e ao Facebook de Deportes para coñecemento xeral e para garantir a máxima transparencia.

4. Resultado do sorteo:

Unha vez determinado o número do sorteo, obterá praza a solicitude que coincida co dito número e todas as seguintes (en orden ascendente) ata completar o número total de prazas. Cando se chegue ao último número da listaxe seguirase outorgando prazas polo primeiro.

A listaxe das persoas que obtiveron praza nos campamentos deportivos municipais publicarase o na páxina web municipal de Deporte e no servizo telefónico do 010.

Asignaráselle unha quenda a cada solicitante, en función da orde de preferencia sinalada na solicitude. Se un menor xa ten asignada unha quenda seguirá correndo a lista para asignar campamentos ao maior número de persoas posibles.

Soamente no caso de que queden prazas libres, se poderá asignar unha segunda quenda, en función do número obtido no sorteo.

O resultado do sorteo publicarse na páxina web da Concellaría de Deportes e no Facebook



12. LISTAXE DAS PERSOAS ADMITIDAS E EN LISTA DE ESPERA

A lista das persoas que obtiveron praza e das que están na listaxe de agarda publicarase o día 10 de xuño de 2021.

Ademais, poderase obter información no teléfono 010 e no teléfono da empresa prestadora do servizo a que se facilitará na páxina web.

Á hora de chamar da listaxe de agarda intentarase que todos os/as nenos/as poidan acceder a un campamento aínda que só sexa unha quenda. Polo tanto, se un neno ou nena xa obtivo praza nunha quenda, poderase saltar da listaxe para chamar a outro ao que non lle tocou ningunha.

En todo caso, todo o proceso será publicado na páxina web de Deportes e será totalmente transparente.

13. FORMALIZACIÓN DA MATRÍCULA OU RENUNCIA

Para formalizar a matrícula será necesario levar debidamente cuberto e asinado o formulario de solicitude que se aproba con estas bases e que se colgará na páxina web de Deportes.

O formulario cubrirase e entregarse a través dos medios que facilite a empresa prestadora dos servizos. Toda a información estará colgada na páxina web de Deportes.

Xunto co formulario deberase acompañar:

- ✓ Unha foto tamaño carné do menor.
- ✓ Fotocopia do DNI da nai, do pai ou da persoa titora que asina a solicitude
- ✓ Fotocopia do DNI da ou do menor ou, no seu defecto fotocopia do Libro de Familia
- ✓ Fotocopia da Tarxeta Sanitaria
- ✓ Outra documentación: documentación relevante sobre datos médicos (enfermidades, alerxias, medicación) ou situacións familiares que sexa preciso coñecer para o bo desenvolvemento da actividade.

A matrícula deberase formalizar entre o 11 e o 15 de xuño de 2021. O prazo remata o día 15 ás 15:00 horas.

Ese tamén é o prazo para que o neno ou nena renuncie ao campamento. A renuncia farase polos mesmos medios que a solicitude.

No caso de no presentarse a documentación requirida entenderase que se renuncia á praza e poderase chamar ao seguinte da lista de agarda.



14. CHAMADA DA LISTAXE DE AGARDA

Poderase chamar da listaxe de agarda do 16 ao 21 de xuño de 2021. De forma excepcional, e no caso de que non se realicen os pagos dos campamentos en prazo, poderase chamar da lista de agarda unha vez que xa comezaran os campamentos.

Os menores que obteñan praza en lista de agarda deberán entregar a documentación requirida no prazo de 3 días hábiles que se contará a partir do día seguinte ao da chamada telefónica.

15. OUTRAS NORMAS

Normas en materia sanitaria:

- a. O menor deberá cumprir coas normas impostas en materia sanitaria polo Ministerio de Sanidade, incluído, o uso obrigatorio de máscaras.
- b. O menor deberá ser coñecedor e cumprir co Protocolo aprobado polo Ministerio de Sanidade ou, de ser o caso, pola Concellaría de Deportes, en materia sanitaria motivado pola Covid-19.
- c. Para poder participar nos campamentos o menor non puido padecer ningún síntoma Covid-19 (febre, cansazo, tose seca, dificultade para respirar) nos últimos 15 días anteriores ao campamento e se aparecese algún deses síntomas durante a realización do campamento deberase poñer en coñecemento inmediatamente ante o Servizo Municipal de Deportes e o menor abandonará o campamento de inmediato.
- d. Para poder participar nos campamentos o menor ou as persoas coas que convive non puideron estar en contacto con ningunha persoa que dera positivo por Covid-19 nos últimos 15 días anteriores ao inicio dos campamentos.
- e. Para poder participar nos campamentos o menor non poderá pertencer a ningún dos grupos de risco relacionados polo Ministerio de Sanidade en materia de Covid-19, nin convivir con ningunha persoa que poida pertencer a eses grupos de risco (diabetes, enfermidade cardiovascular, hipertensión, enfermidade pulmonar crónica, inmunodeficiencia, cancro en fase de tratamento activo, mulleres embarazadas e maiores de 60 anos).
- f. A todos os participantes se lle tomará a temperatura, cada día, ao entrar e ao saír.
- g. Todos os nenos e nenas deberán desinfectar as mans na entrada.
- h. Non se poderá acceder ás instalacións con ningún xoguete, pelota, patinete, etc., nin con pulseiras, colares ou aneis.
- i. As nenas e os nenos que teñan o pelo longo deberano traer recollido, apartado da cara en todo momento, co fin de que o neno ou nena non sinta a necesidade de tocarse a cara para apartar o pelo ao realizar deporte.



Normas relacionadas coa organización e desenvolvemento dos campamentos:

- a. Non se admitirán solicitudes que non impliquen participar nunha quenda completa.
- b. No caso de que o neno ou nena non acuda ao campamento, poderase excluír de outras quendas que lle puideran corresponder.
- c. No caso de que o menor non poida acudir a unha quenda determinada por unha circunstancia xurdida con posterioridade á inscrición, o pai ou nai ou titor/a deberá poñelo en coñecemento do Servizo Municipal de Deportes para que poida chamar a outro neno/a da listaxe de agarda. Nese caso, o neno ou nena seguirá conservando a súa praza noutra quenda.
- d. Cada neno e nena deberá acudir ao campamento cunha pequena merenda para tomar a media mañá, metida nunha bolsa ou mochila.



CAMPAMENTOS DEPORTIVOS MUNICIPAIS DO VERÁN 2021

SOLICITUDE DE INSCRICIÓN

FOTO

1. DATOS DA PERSOA MENOR DE IDADE QUE SE MATRICULA (Idades comprendidas entre os 6 e os 13 anos, cumpridos a 31.12.2021)

Nome:

Apelidos:

Data de nacemento:

Domicilio:

2. DATOS DO PAI, NAI, TITOR OU TITORA

Nome:

Apelidos:

NIF:

Teléfono de contacto 1:

Teléfono de contacto 2:

Correo electrónico:

(O correo electrónico vaise utilizar para notificarlle calquera comunicación ou incidencia relativa á súa inscrición e prescrición. Revise, por favor, o correo antes de enviar o formulario)

3. EMPADROADO/A NA CIDADE DA CORUÑA: SI/NON



4. PRECISA O CAMPAMENTO POR MOTIVOS DE CONCILIACIÓN: SI/NON

(Soamente se poderá marcar esta casilla no caso de que o pai, nai ou titor/a poida acreditar documentalmente ante o Concello da Coruña que a súa xornada de traballo coincide no horario coa quenda solicitada)

5. QUENDAS NAS QUE SE MATRICULA (EN FUNCIÓN DA ASIGNACIÓN DE PRAZAS PUBLICADA)

QUENDA	PERIODO	SEDE	CÓDIGO	MARQUE CUNHA X
QUENDA 1	DO 28 DE XUÑO AO 11 DE XULLO	RIAZOR	RI001	
QUENDA 1	DO 28 DE XUÑO AO 11 DE XULLO	NOVO MESOIRO	NM001	
QUENDA 1	DO 28 DE XUÑO AO 11 DE XULLO	SAN FRANCISCO JAVIER	FJ001	
QUENDA 2	DO 12 DE XULLO AO 25 DE XULLO	RIAZOR	RI002	
QUENDA 2	DO 12 DE XULLO AO 25 DE XULLO	NOVO MESOIRO	NM002	
QUENDA 2	DO 12 DE XULLO AO 25 DE XULLO	SAN FRANCISCO JAVIER	FJ002	
QUENDA 3	DO 26 DE XULLO AO 8 DE AGOSTO	RIAZOR	RI003	
QUENDA 3	DO 26 DE XULLO AO 8 DE AGOSTO	NOVO MESOIRO	NM003	
QUENDA 3	DO 26 DE XULLO AO 8 DE AGOSTO	SAN FRANCISCO JAVIER	FJ003	
QUENDA 4	DO 9 DE AGOSTO AO 22 DE AGOSTO	RIAZOR	RI004	
QUENDA 4	DO 9 DE AGOSTO AO 22 DE AGOSTO	NOVO MESOIRO	NM004	



QUENDA 4	DO 9 DE AGOSTO AO 22 DE AGOSTO	SAN FRANCISCO JAVIER	FJ004	
QUENDA 5	DO 23 DE AGOSTO AO 3 DE SETEMBRO	RIAZOR	RI005	
QUENDA 5	DO 23 DE AGOSTO AO 3 DE SETEMBRO	NOVO MESOIRO	NM005	
QUENDA 5	DO 23 DE AGOSTO AO 3 DE SETEMBRO	SAN FRANCISCO JAVIER	FJ005	

6. SOLICITA HORARIO AMPLIADO (SI/NON)

En caso afirmativo, sinale o horario solicitado:

Opción 1: de 08:30 a 09:00 horas

Opción 2: de 14:00 a 14:30 horas

Opción 3: de 08:30 a 09:00 horas e de 14:00 a 14:30 horas

7. DATOS DE INTERESE

O/a solicitante padece algunha doenza que lle impida realizar actividades físicas: SI /NON. En caso afirmativo, por favor, detalle o tipo de doenza:

O/a solicitante precisa algún tipo de atención específica individualizada: SI/ NON. En caso afirmativo, por favor, detalle o máximo posible:

O solicitante presenta algunha discapacidade: SI / NON. En caso afirmativo, por favor, indique o tipo:



O solicitante sabe nadar: SI/NON

O/a solicitante precisa atención médica específica (diabetes, epilepsia, medicación...):
SI/NON. En caso afirmativo, por favor, detalle o máximo posible:

AUTORIZACIÓN PARA A RECOLLIDA DO/A MENOR

AUTORIZO ás persoas relacionadas a continuación para a recollida do meu fillo/a nos campamentos deportivos municipais de verán 2021:

(O solicitante da inscrición xa non é necesario nesta relación, si é importante poñer o outro proxenitor ou si hai algún tipo de cuestión legal por favor indícalo no apartado de outras cuestións)

NOME E APELIDOS	NIF/NIE	Parentesco/relación

No caso de que se autorice a recollida dos/as menores por persoas distintas ao solicitante, deberán aportar no momento de realizar a inscrición unha fotocopia do NIF ou NIE.

AUTORIZACIÓN DE SAÍDA DO RECINTO SEN A PRESENZA DUNHA PERSOA ADULTA

AUTORIZO a que o meu fillo/a menor de idade abandone o recinto municipal unha vez finalizada a xornada de campamento so baixo a miña responsabilidade: *(só para o caso de nenos e nenas a partir de 11 anos): SI / NON*



AUTORIZACIÓN PARA REALIZAR SAÍDAS E EXCURSIÓNS

AUTORIZO á que o meu fillo/a se desprace (en autobús ou andando), para acudir as instalacións deportivas municipais co fin de practicar deporte e xogos, e tamén a outro tipo de instalación, parque ou praia, no caso de que se organice algunha excursión: SI / NON

USO DA IMAXE DO MENOR

AUTORIZO á que se lle saquen fotos ao meu fillo/a ou a que se grave algún vídeo onde poida aparecer de forma puntual, para a súa publicación na páxina web do Concello da Coruña ou nas redes sociais do propio Concello, así como para que, no seu caso, o menor poida levar de recordo algunha foto do campamento: SI /NON

A Coruña,

Asdo.....

PROTECCIÓN DE DATOS

Consonte ao RGPD (EU) 2016/679, do 27 de abril de 2016, e a súa lexislación complementaria, cedo os datos persoais recollidos nesta inscrición para que sexan incorporados aos correspondentes ficheiros do Concello de A Coruña. Respecto deles, poderei exercer os dereitos de acceso, rectificación e cancelación, nos termos previstos na citada lexislación, dirixíndome por escrito, no rexistro xeral do Concello de A Coruña. A estes datos terá acceso a empresa que contrate o Concello da Coruña para a xestión dos campamentos municipais, así como os seus traballadores/as, vencellados a esta actividade e serán tratados de forma confidencial.



DECLARACIÓN RESPONSABLE

D./D.^a.....

con NIF/NIE ou PASAPORTE, en calidade de nai, pai ou titor/a do/a dito/a menor
.....

DECLARO baixo a miña responsabilidade que o menor para o que solicito a preinscrición no campamento deportivo municipal de verán:

- Estar empadroadado no Concello de A Coruña: SI / NON

- Que preciso a conciliación laboral para o coidado do menor: SI /NON

(Só se pode declarar esta circunstancia no caso de que os dous proxenitores estean traballando na data solicitada dos campamentos de verán)

- Que a pesar de non estar empadroadado no Concello da Coruña, traballo no término municipal da Coruña e preciso os campamentos por motivos de conciliación: SI /NON

- Coñezo o protocolo aprobado pola Concellaría de Deportes para a realización dos campamentos deportivos municipais e o seu cumprimento de forma exhaustiva.

Asimesmo, DECLARO:

Que son consciente dos riscos que entraña a práctica deportiva en espazos comúns con outros nenos e nenas nunha situación de pandemia como a que nos encontramos na actualidade.

Que o neno ou nena non padeceu ningún síntoma compatible coa Covid-19 (febre, cansazo, tose seca, dificultade para respirar) nos últimos 15 días e que se aparecese algún deses síntomas antes ou durante a realización do campamento comunicareino inmediatamente ante o Servizo Municipal de Deportes e o menor abandonará o campamento de inmediato.

Que o/a menor ou as persoas coas que convive non estiveron en contacto con ningunha persoa que dera positivo por Covid-19 nos últimos 15 días e que se estiveran en contacto antes ou durante a realización do campamento comunicareino inmediatamente ante o Servizo Municipal de Deportes e o/a menor abandonará o campamento de inmediato.

Que o/a menor non pertence a ningún dos grupos de risco relacionados polo Ministerio de Sanidade en materia de Covid-19, nin convive con ningunha persoa que poida pertencer a eses grupos de risco (diabetes, enfermidade cardiovascular, hipertensión, enfermidade pulmonar crónica, inmunodeficiencia, cancro en fase de tratamento activo, mulleres embarazadas e maiores de 60 anos).

A Coruña,

Asdo.